

《元朗炮仗坊元朗墟碑記》

考古之墟稱之「務」，後人稱之為「集」又謂「墟」，墟市者即鄉村之市集也。

據嘉慶廿四年(1819)重修新安縣誌所載，元朗有墟市名為「大橋墩墟」，亦稱為「圓墾墟」。

圓墾墟遭移村復村之變，即荒蕪而告沒落，部份鄉人咸以屏山市、廈村市為墟。公元 1670 年¹，即康熙捌年，鄧光裕先生(進士)²得地利之盛，在元朗涌對岸建立元朗墟，則今人稱之為舊墟，內有街三條分為利益街、長盛街、酒街，出入口分東門與南門，逢農曆三、六、九日為墟期。元朗涌舊稱水門頭，當時河道寬闊，大型木船均可入泊，起卸貨物，其為方便。唯年深日久，河床淤塞，內陸貨物，遂改在青山碼頭起卸。再運至舊墟集散，此為當年元朗舊墟之史略。

由於舊有一水之隔，鄉人趁墟常感不便，熱心桑梓人士戴鉅臣、鄧英生、伍醒遲、梁惠戴、鄧可光、黎翌才、易贊臣等倡議另建新墟，在 1915 年建成元朗新墟，內有五條街，即合益街、合發街、合成街、合和街及合和後街，由元朗合益有限公司管轄，店舖分售予當地人士經營，此即今日之五合街也，亦所謂元朗新墟，其地點為今之泰祥街附近。

元朗墟之商業，當年以糶穀糶米為最大宗，元朗合益有限公司，為適應當時之所需，特在元朗墟中心，建設有上蓋之大穀亭，方便鄉民買賣穀物，免遭日曬雨淋之苦，今之穀亭街遂之而得名。而載運穀物之船隻，均停泊於東堤及西堤兩岸起卸，故今有東堤街與西堤街之稱。

時移世易，元朗舊墟仍存，新墟亦隨社會之發展，在 1984 年 4 月，經已全部拆平，舊者均為現代化所取代，此為必然之趨勢劫也。

吾人在此作憩息之餘，回思曩昔，豈無滄桑之感？當念及時代使然，則嗟嘆之意盡消，環觀望衡對宇之高樓大廈，一派嶄新之氣象，則更肅然而雀躍矣！爰乃泐而誌之焉。



¹ 應為 1669 年

² 應為鄧文蔚，錦田鄉進士